

تورک یوردی

ناشری : تورک یوردی

مدبری : آق چوره اوغلی یوسف

۱۳۳۱ صای ۱۰ ۱۶ تموز ۱۳۳۱ ییل ۴ جلد ۸ صای ۸۸

④

74

اجتماعات

رمضان

بشقه دینلر کبی دین اسلامده سالکترینه بر طاقم عبادتلر امر ایتشدرد. اسلامیتده کی عبادتلر باشلیجه اوچ بویوک قسمه بولونورلر. بری صرف بدنی در: نماز و اوروج کبی، دیگر صرف مالی در: زکات و عشر کبی، اوچنجیسی ایسه بدنی و مالی در حج و جهاد کبی.

بو اوچ قسمدن مالی و یا خود مخلوط اولانلری بر جوق فوائد اجتماعی بی شامل و بونکله برابر بزم بوراده کی موضوعزدن خارجدر. صرف بدنی اولانلردن نماز، اوروج کیلرینک فائدهلری شخصی اولدیغدن او بر قسملری کبی واضح دکلدر. نمازده نظافت و انتظامه آلیشمنق، اوروجده ایسه آجلفه تحمل، تقدیر نعمت، ترویج معده کبی مهم فائدهلر اولقله برابر بو قسمک اک بویوک فائدهسی و بونلردن مطلوب اولان غایه شارع، هیچ شبهه سز، تصفیة وجدان و تهذیب اخلاقدر. بونک بویله اولدیغی حضرت پیغمبرک «من لم تنه صلاته عن الفحشاء والمنکر لم یزد من الله الا بعدا» = بر کیمسه نک قیلدیغی نماز اون قنا و منکر ایشلردن منع ایده مزسه او نماز اون اللهدن اوزاقلاشدیرماقدن بشقه هیچ بر ایسه یاراماز. «کم من صائم لیس له من صومه الا الجوع والعطش» = بر جوق اوروج طوتانلر وارددر که اونلر بو اوروجلریله آچلق و سوسزلقدن بشقه بر شی قازا. نامازلره حدیثلری واضحا کوستریبور.

ینه هیچ شبهه سزدر که نماز ایله اوروج شمدی بزم یابدیغمز کبی دکلده حضرت شارعک بویوردیغی و ایسته دیکی روشده یاییله حق اولورسه سعادت بشریه نک مداری اولان تصفیة اخلاقک اک بویوک مامللردن بری اوله جقدر. شو حالده حضرت شارعک مثلاً اوروجدن مقصودی ندر، مشروع و معقول اوروج نصل اوله جقدر؟ بز بوسؤاله بالجمله دیندارلر حتی حراندیشلر تزدنده

بیله محترم صاییلان بویوک اسلام عالمی وفیلسوفی امام غزالی حضرتلرینک اترندن استخراج ایله جواب ویره جکیز .

غزالی «امیأ العلموم» نده دییورکه: اوروج حد ذاتنده بر یوقسوللقدرد . دیگر عمل و عبادتله بر طاقم افعال و حرکاتدن ترکب ایتدکلری حالدله اوروج حلال اولان نعمتلری موقت بر زمان ایچون ترک ایتمک وییوب ایجمه مکدن عبارتدرکه عدمدر، کیزی برشیدر. لهذا بونک سبب مشروعتی و فائده سی ده کیزلیدر. بر آرزو امعان نظر اولنمادقجه کورولمز . صومک فائده لرینی کوره بیلیمک ایچون اونی تعریف و تحلیل ایتمک لازمدر. حقیقی اوروج دیمک کوزی، قولاغی، دلی، ال و آياغی قنالقاردن و کناه ایشلردن صاقلامق دیمکدرکه تحقیق بش نسنه یه موقوفدر. ۱- مذموم و مکروه اولان هر بر شینه باقماقدن کوزینی منع ایتمکدر . حضرت پیغمبر بیورییورلرکه: بش نسنه صائمک اوروجنی فسخ و ابطال ایلر. یالان سويلک، غیبت ایتمک، نماملق ایتمک، یالاندن آند ایجمک و فنا نیتله باقق .

۲- دلینی هزیان، یالان، غیبت سويلمکدن، باشقه سینی اذیت ایلمکدن و غاوغا ایتمکدن منع ایدوب طوغری و فائده لی شیلر سويلک، هیچ اولمازسه صوصمق. حضرت پیغمبر بیورییورکه: صوم بر پرده در. سزک هر هانکی بریکز اوروجلی اولور ایسه قیزماسین و آغزندن فنا لاقیردی قاچیرماسین. دیگر بری اونی سوکوب صایه رسه بن اوروجلی یم، بن اوروجلی یم دیه مقابله ایلسون. ینه روایت اولیورکه اوروجلی قادینلردن ایکیسی آقشامه طوغری اوروجک تأثیریه قوتسزلتوب هایيله جق برحاله کلمکله حضور پیغمبری یه کیدوب افطار ایچین استیذان ایلملر. بونلر اوروجلی اولسه لرده هر زمان ایکیسی بر آرایه طویلانوب دیگر لرینی غیبت ایتمکله وقت کچیره ن قادینلردن اولدقلرندن حضرت پیغمبر حضاره خطاباً: «باقیکز بوایکی قادین حرام اولان انسان اتی یدیکلری - یعنی غیبت ایتدیکلری - حالدله حلال نعمتلرینی ییموب کندیلرینی نولوم تهله کسنه معروض براقان احقلردر.» دیمش و بالطبع افطار لرینه ده مساعده ایلمش .

۳- غیبت، یالان، هزیان کبی ممنوع و مذموم اولان شیلری اشمکدن قولاغی منع ایتمکدر. چونکه بونلری سويلک نه درجه مذموم و مفسد صوم

ایسه دیکله مک ده عیناً او یله در که بویوک بر حکمتدر، زیر امتاعنه مشتری بوله میان بر تاجر امتاع ایله تجارتدن ال چکمه کنسیدی کندینه مجبور اوله جقدر، بونک ایچوندر که حضرت پیغمبر « غیبت سویله یین ایله دیکله یین ایکیسی کناهد» شریکدر لر، « بویور مشدر.

۴- ال و آیاقلرینی و بشقه اعضالرینی سائر قنالقردن ساقلامق، افطار زماننده حرام و شبهه لی طعام ییمه مک. چونکه صباحدن آقشامه قدر نفسی حلال نعتلردن منع ایدوب ده بر طاقم محرماتی ارتکاب ایدر و یا خود عندالافطار حرام برشی ییه رسه کوچوک بر قصر یا پاچم دیه قوجه بر مصری تخریب ایتش آدمه بکزر.

۵- عندالافطار حلال طعامدن ده اولسه قاری شیشنجیه قادر ییمه مک. اللهمک اک زیاده بکنمیدیکی معده اشته بو معده در. چونکه اوروجدن مقصود بر آید ده اولسه معده یی بر آرز دیکلنیر مک، نفسک هر آرزوسنی هراسته دیکی زمان و دیله دیکی مقدارده و یرمیوب اونی محرومیت و اطاعت آیشدیر مق و شوصورتله اخلاقی تهذیب ایلک اولدینی حالد و اروج دیدیکمز آنجق اویقوویمک زمانلرینی دیکشدر مکدن عبارت قالیرسه، حتی- مع الاسف- معتاد اولدینی وجهله رمضانده کی افطار و سحور یمکلرینه آروجه اهمیت و یریلهرک نوعلری تزید و مقدارلری تضعیف اولونورسه بو مقصد حاصل اولماقدن باشقه عکسی تحقق ایدر. نفس دها فنا آلیشیر، فوق الشبع یمکله ده معده استراحت ایدم چکی یرده بوزولور.

بزم بو دیدیکلریمزه قارشو فقهاییه کوره بر آدم طلوع فجردن غروب شمه قدر اکل، شرب و مباشرتدن نفسی منع ایدرسه او آدمک اوروجی صحیح صاییلور، حالبوکه سز باشقا بر طاقم شرائط در میان ایدیورسکمز، دینیه جک اولورسه بزده دیرز که علماً یقین نرندمه عبادتلرک محتلرندن مقصود مقبول اولمالری، مقبول اولمالری ایچین ده او عبادتدن غایه نه ایسه اونک حاصل اولماسی لابددر. عکسی تقدیرده ایسه یا بیلان سعیلر بیهوده، صرف اولونان امکلر هبادر. بوتون عبادتلردن مقصود اصلی تصفیة وجدان و تهذیب اخلاقدر. بو مقصود حاصل اولماقدن سوکره بری ایسترسه کونده بش دکل، یکریمی بش دفعه نماز قیلسون، بر آی

دکلده بش آی صباحدن آقشامه قدر آج طورسون عبیدر و بیسوددر. چونکه انسان ملائکه ایله بهائم آرمه سنده متوسط بر مخلوقدر. ملک اولمایه قابلیت اولدینی کبی بهائم اولمایده صلاحیتی وارد. نه زمانکه کندیسنی ضبط و قواسنی حسن استعمال ایدرک شهوات نفسانییه انهما کدن محافظه نفس ایدیه بیلیرسه فرشته اولور. نه وقتکه کندینه صاحب اوله میوب و قوای مودودیه سنی حسن استعمال ایدیه میوب ضلالت و شهواته انهماک کوستیرسه انحطاط ایتدیکه ایدر. بوسفر بهائمدرکه سنده ده طوتونه ماز، دها آشای حفره لره قدر یوارلانیر کیدر. جناب حقلک «اولئک کالانعام بل هم اضل» اونلر بهائم کبی بلکه دها آشای درلره. قولنه مصداق اولور. بونک ایچونددرکه علماً اعلام بیورمشلردر کم من صائم مفطر و کم من مفطر صائم = بر چوق اوروجلی آدملر وارددرکه حکماً اوروجسز صاییلورلر؛ بر چوق اوروج طوتمایانلر وارددرکه حقیقتده اوروجلیدرلر.

اوروج طوتوبده رزائل اخلاقیه دن صاقتمین آدم محضاعدد تحق ایتسون دیه طهارتده هر اعضاسنی تمیزله دن اوچر دفعه بیقایان؛ رزائل اخلاقیه دن تمامیه اجتناب ایدوبده اوروج طوتیمان آدم ایسه هر اعضاسنی ایکی یاخود درت دفعه، فقط، تمیز بیقایان کیمسه یه بکزر.

خلاصه هر عبادتک ظاهر و باطنی، صورت و معناسی وارددر. اوروج حقنده بز هر ایکینس تصویر ایتدک. شمعی سنک عقلکه «انکیسی او یغون کلیرسه اونی قبول ایدرسک. لکل وجهه هومولیا.

بورایه قدر یازد قلم «اصیاء العیون» ک جلد اولینک ۲۲۴-۲۲۷ صحیفه لرینک همان همان عیناً ترجمه سیدر. طوغری باقنده هیچ شبهه اولمیان بو صحیفه لره بر قاچ سطر علاوه ایله ختم مقال ایدیه جکم. مادی و معنوی بر چوق فوایدی محتوی اولوب و صرف انسانلرک خیر و منفعتلری ایچون تشریع ایدیلن عبادتلر اولان اوروجی بمضلمن مع التأسف ضررلی برشکله افراغ ایتمشلردر. دلیلی استرسکز؟ ایشته حالمز. قالدن بیک قات دها بلیغ بر دلیل: رمضان شریف کیرد کیرمن تکمیل شعبات حیاتمزه بر فلج عارض اولیور، چالیشامیورز، هنوز یک ایتدائی بر حالده اولان تجارتیمز بسبتون معطل قالیور. رنجبر و عمله من - خصوصیه بویله کونلرده - اوروجک تاثیریه چالیشمالرینی یاری یاریه تنزیل

وبو صورتله کارلرینک نصفی دیگر ملت افرادینه ترک ایتمکه مجبور اولیورلر .
 حالبوکه کلام قدیمده واحادیث نبویهده برچوق دفعه لرتکرار اولوندینی وجهله
 دین اسلامده هیچ بر مشقت و کوچلک یوقدر . جناب حق رمضان آیتده
 بونی بالخاصه تصریح ایدیور .

بونک ایچوندركه حضرت پیغمبر زماننده کوچلکله اوروج طومق هیچ
 یوق ایدی . بوکا دائر صحیح کتابلرینک آلتیسندهده بر چوق حدیثلر واردر .
 مثال اوله رق بوراده بر ایکیسی ذکر ایده جکم . انس ابن مالک دیور : پیغمبر
 ایله سفرده ایدک . کدید نام موقعه کلدیکمز زمان رفقاندن بری آجلاق تأثیرله
 باییلدی . بزده باشنه طوبلانوب کولکه یایدق . حضرت پیغمبر کاوب نه ایچون
 طوبلان دیکمز ؟ دیه صوردی . وقعه بی عرض ایدنجه سفرده اوروج طومق ای
 بر ایسه رکلمر . دیدی . دیگر بر حدیث ، جابر بن عبدالله روایت ایدیور : بز
 رمضانده پیغمبر ایله سفره چیقاردق . اوروج طوتیانلرده طوتیانلرده اولوردی .
 فقط اوروجلیلر و اوروجسزلری ، اوروجسزلرده اوروجلیلری تمیب ایتزلردی .
 کیمه که اوروج عسری مؤدی اوله جق اولورسه او آدم ایچون افطارک خیرلی اولدینی
 بوکی حدیث و آیتلردن بک آجیق آ کلاشیلور .

خرسزلق و سرخوشلق کبی دیگر لرینده ضرری طوقونه جق محرمانی
 ارتکاب ایدنلر ایچون شارع طرفندن دورلو جزالر تعیین اولوندینی حالده نماز
 و اوروج حقنده بویله بر شینک یاییلما ماسنده ، بویوک بر حکمت واردر .

جناب حَقَّ «وان کنتم مریضا او علی سفر فعدة من ایام اخر یرید الله بکم
 الیسر ولا یرید بکم العسر» آیت کریمه سنک باقیکنز عیناً ترجمه سی نه دیمکدر :

«ا کرخسته و یاخود مسافر اولورسه کز اوروجکزی آچار و باشقه کونلردن
 صایوب طوتارسکز . زیرا الله سزه قولایلق اولماسی ایستر ، کوچلک اولماسی
 ایسته مز .» مریض ایله مسافره بو مساعدنه ک بخش اولونماسنک بکانه علنی مشقتدر ،
 مشقت ایسه بو کونک عمله سنک ، خصوصیه زراعت عمله سنک اوروجنده
 دهافضلهدر ، بناء علیه اونلرکده بشقه کونلردن صایوب طوته ییلملری بالجله
 علمای اصولک اتفاقلری ایله شو آیت کریمه نک مقتضاسیدر .

حلولیلہ شرفیاب اولدیغمز مبارک اوروج آخی دین قارده شلریمزه تبریک ایدرکن
منصف ودور اندیش ذوات کرامه بوناچیز مطالعه لریمزه عرضنه لزوم کوریورزه.

ربنا لاتؤاخذنا ان نسينا او اخطانا

ربنا ولا تحمل علينا اصرآ کما حملته على الذين من قبلنا

ربنا ولا تحملنا ما لا طاقة لنا به واعف عنا و اغفر لنا وارحنا انت مولانا

عالمجامه الادریسی

تورک قادینلرینک خسته باقیجیانی

عثمانلی انتباه ملیسفی متعاقب تورک قادینی، ارککلرک برچوق مشکل وظیفه.
لرینه، معاونت ایتمک اوزره اجتماعی حیات صحنه سنه بر عنصر ضروری اوله رق
چیقدی. بیز، تورک قادینی بر موبیلیه ویاخود فائده لی برزینت طاقی اعتبار
ایدن اسکی فکرلره اصلا اشتراک ایدنلردن دکلز. حال حاضرده تورک قادینی، منافع
عمومیه یه خادم مؤسسات عثمانیه نک هپسنده یورولق بیلمز بر فعالیت کرسر.
مکده در. شو صوک سنه لره قدر یالکزار ککلرک دائره اختصاصنده ظن اولونان
برچوق امور، قادینلرک سحارالری طرفدن بک زیاده موفقیتله اداره اولنمقده در.
هلال احمرک خاعلر شعبه سی هر درلو تقدیراته شایان بر غیرت وفدا کارلقله
چالیشیور. هلال احمر قادینلر دارالصناعه سننده محترم هلال احمر جمعیتی
تحت اداره سنده بولنان متعدد خسته خانه لره، بول بول توزیع ایدیله جک قدر
چاشیر ویتاق طاقلری حاضر لانیلیور. حرب میداندن کن بیکلرجه قهرمان
غازیلریمزه شفقتلی تورک خانملرینک اعمال ایتدیکی اشیا والبسه ایله اورتیلوب
کیندیریلیور. پاره طوبلایوب طول و محتاج قالان عسکری عائله لرک معاونتته